

**ALLAH LANJUTKAN USIA D.Y.M.M. BAGINDA SULTAN
DAN RAJA PEREMPUAN PERAK**

Upachara gemilang Raja Perempuan

26 OCT 1963

UPACHARA menganugerahkan gelaran kepada Duli Yang Maha Mulia Raja Perempuan Perak, di-Balai Rong Seri Istana Iskandariah, Bukit Chandan, Seri Andalan, Kuala Kangsar, akan berlansong sa-hari selepas pertabalan Duli Yang Maha Mulia Baginda Sultan.

Pada waktu yang ditetapkan, Duli Yang Maha Mulia Raja Perempuan yang telah sempurna berpakaian, lengkap dengan Pontoh Ular Lidi, berangkat ka-Balai Rong Seri di-dahului oleh Panglima Perang Kanan dan Panglima Perang Kiri di-kapit oleh Yang Teramat Mulia Che Puan Besar (isteri Duli Yang Teramat Mulia Raja Muda) di-sabelah kanan dan Duli Yang Amat Mulia Puan Muda (isteri Duli Yang Amat Mulia Raja Di-Hilir) di-sabelah kiri serta diiringi oleh Bentara2 Perempuan lalu mengambil tempat duduk masing2 yang di-haskan.

Berangkat

Sa-telah itu paluan Nobat "Raja Berangkat" pun di-bunyikan, Duli Yang Maha Mulia Baginda Sultan yang telah sempurna berpakaian, lengkap dengan pedang Chura Si-Manjakini, Pontoh Bernaga, Rantai Bunga Nyior dan Mahkota yang di-letakan di-tengkolok, berangkat masuk ka-Balai Rong Seri, di-dahului oleh Panglima Besar dengan di-kapiti oleh Duli Yang Teramat Mulia Raja Muda

dan Duli Yang Amat Mulia Raja Di-Hilir serta di-ikuti oleh Juru2 Iring.

Baginda Sultan lalu naik bersemayam di-atas Singgahsana, yang lain2 pun mengambil tempat masing2.

Yang Amat Berbahagia Orang Kaya Bendahara Seri Maharaja pun berdiri, tampil ka-hadapan, menyembah dan membacakan Surat Peranugerahan Gelaran daripada baginda Sultan.

Habis di-bacha, surat itu pun di-persembahkan oleh Yang Amat Berbahagia Orang Kaya Bendahara kepada Duli Yang Maha Mulia.

Baginda Sultan turun dari Singgahsana lalu mengurniakan Surat Peranugerahan Gelaran itu kepada Duli Yang Maha Mulia Raja Perempuan serta mengambil-nya di-di-bawa naik ka-atas Singgahsana, duduk bersama2.

Yang Mulia Raja Chik Muda, Pawang Di-Raja menyembah, lalu memerechekkan 'Ayer Pancha Bichara' kepada Duli Yang Maha Mulia kedua, di-ikuti oleh enam orang Kerabat Di-Raja lagi.

Tiga kali

Sa-sudah ini Yang Amat Berbahagia Orang Kaya Bendahara pun bangun lalu menyerukan 'Daulat Tuanku' tiga kali berturut2, di-ikuti oleh sekalian hadhirin, Nobat pun di-palu.



D.Y.M.M. RAJA PEREMPUAN PERAK

Upachara di-tamatkan dengan Sahibul Fadhillah Tuan Mufti bangun membacha Do'a Selamat.

Duli Yang Maha Mulia Raja Perempuan Perak, Raja Mazwin binti Raja Arif Shah telah di-lahirkan di-Batu Gajah, Perak, pada 1 haribulan March, tahun 1929.

Pada tahun 1936 baginda masuk belajar di-sekolah Inggeris, Anglo-Chinese Girls' School, Ipoh dan berhenti daripada sekolah pada tahun 1941.

Sejarah

Sa-lepas daripada sekolah, Duli Yang Maha Mulia Raja Mazwin tidaklah ada memegang jawatan Kerajaan sa-hingga sampai masa perkahwin.

Dalam bulan November tahun 1943 Duli Yang Maha Mulia Raja Mazwin berkahwin dengan Duli Yang Maha Mulia Sultan Perak, Raja Idris Al-mutawakil Allahi Shah ibni Al-marhum Sultan Iskandar Kadasallah Shah pada usia-nya 15 tahun.

Duli Yang Maha Mulia Raja Mazwin melahirkan 5 orang anak, ia-itu 3 orang puteri dan 2 orang putera. Puteri-nya yang sulong telah meninggal dunia pada masa kechill-nya berusia lebeh kurang 1 tahun.

Baginda telah di-kurniakan Gelaran Duli Yang Teramat Mulia Raja Puan Besar pada 6 hari bulan November 1957 dan di-kurniakan Gelaran Duli Yang Maha Mulia Raja Perempuan Perak pada 7 haribulan January, 1963.

☆
Siri kedua
dari
renchana
Pertabalan
di-Istana
Iskandariah

☆